



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Eyn kurtzer außzug/ auß dem Bebstlichen rechten der
Decret vnd Decretalen/ Jn den artickeln/ die vngeuerlich
Gottes wort vn[d] Eua[n]gelio gemeß sein/ oder zum
wenigsten nicht widerstreben**

Spengler, Lazarus

[Nürnberg], 1530

VD16 S 8234

Dist. lxxxviii.

urn:nbn:de:hbz:466:1-33264

Dist. lxxxviii.

Per totum

Das kein Bischoue/Priester oder ander geystliche
standts/eynich Bürde weltlicher sachen vnd hendel/
mit aduocirn/rathen rechnung haltenn/kauffman-
schafftenn oder in ander wege/auff sich nemen/sun-
der wo er sich des vntersteet/entsetzt werden sol.

Dist. lxxxix.

Per totum

Das die geystlichen/keinen zancck/hader oder vn-
fryd/gegen vnd vnter jnen selbs/auch gegen andern
habenn/sunder wo sie vntereinander vneyinig sein/
sich fürderlich vertragen lassen/oder von irem ampt
vnd der gemaynschafft der Kirchen gesunder wer-
den sollen.

Dist. lxxxx.

Hieronymus

Olim.

Esto subiectus

Das die Bischoue vñ andere priester/etwa gang
gleych vñ eins stands gewest seyen/vnd ehe auß eyn
gebung des Teuffels vnter der Christenlichen Reli-
gion so vil secten vnd zerteylungen sein worden/vnd
man sagt ich bin Pauli/ich bin Appollo/ich bin Ce-
phe etc. Do sind die Christenlichen gemayn durch ge-
maynen der Priester rathe vñnd fürstehung regiert
worden/vñnd darumb sollen die Bischoue wissen
das sie priester/das ist Diener/vnd nit herren seyen.

Dist. lxxxxi.

Nicolaus papa

Vbi nam

Das allen menschen Geystliche vñnd Weltliche
stands/gepüre vnd zustee/dabey zusein/So von des
glaubens sachen tractirt vñnd gehandelt wirdet/in
Concilien oder ander versamlungen.